




Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Economy

Bosna i Hercegovina  
Federacija Bosne i Hercegovine  
**KANTON SARAJEVO**  
Javna ustanova Kantona Sarajevo

Broj: 07-05-30-6429-1/25  
Sarajevo, 05.03.2025. godine



**KANTON SARAJEVO**  
**JU "Služba za zapošljavanje Kantona Sarajevo", Sarajevo**  
**ul. Đoke Mazalića broj 3**  
**71000 Sarajevo**



**Predmet:** Odgovor, dostavlja se  
Veza: Vaš akt broj: 01-01-34-0230/25 od 24.02.2025. godine

Postupajući po Vašem aktu iz veze koje je Ministarstvo privrede Kantona Sarajevo zaprimilo putem protokola Kantona Sarajevo dana 24.02.2025. godine pod brojem: 07-30-6429, obavještavamo Vas da ovo Ministarstvo daje pozitivno mišljenje na dostavljeni Prijedlog programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2025. godini (u daljnjem tekstu: Prijedlog programa).

Uvažavajući naprijed navedeno, predlažemo da se navedeni Prijedlog programa uputi Vladi Kantona Sarajevo na usvajanje od strane Ministarstva za rad, socijalnu politiku, raseljena lica i izbjeglice, Ministarstva privrede Kantona Sarajevo i JU "Služba za zapošljavanje Kantona Sarajevo", Sarajevo kao zajednički Prijedlog programa.

S poštovanjem,

**MINISTAR**  
  
**Zlatko Mijatović**

Dostaviti:

1. Naslovu,
2. Ministarstvu za rad, socijalnu politiku, raseljena lica i izbjeglice Kantona Sarajevo,
3. Evidenciji i
4. Arhivi.





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy,  
Displaced Persons and Refugees

Broj: 13-03-30-6440/25  
Sarajevo, 27.02.2025. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**

**JAVNA USTANOVA „SLUŽBA ZA ZAPOŠLJAVANJE KANTONA SARAJEVO“ SARAJEVO**  
Ul. Đoke Mazalića broj 3  
71000 Sarajevo

**Predmet: Mišljenje na Prijedlog Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini, dostavlja se**

Na osnovu člana 41. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24) (u daljem tekstu: Zakon o posredovanju u zapošljavanju) Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) daje mišljenje na Prijedlog Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini, dostavljen od strane Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba za zapošljavanje).

Prijedlog Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini, sačinjen je u skladu sa članom 4. stav (2), a u vezi sa čl. 9. i 10. Zakona o posredovanju, odnosno utvrđen je na zajednički prijedlog Ministarstva, Ministarstva privrede Kantona Sarajevo i Službe za zapošljavanje, a istim su definisane pojedinačne podsticajnih mjere, utvrđena finansijska sredstva, kriteriji i rokovi realizacije svake od predviđenih podsticajnih mjera.

Pojedinačne podsticajne mjere koje će se realizirati u 2025. godini su:

#### A – PROGRAMI ZAPOŠLJAVANJA

1. Program zapošljavanja u komunalnoj privredi, socijalnoj zaštiti, kulturi i sajamskim manifestacijama;
2. Program zapošljavanja Prilika +



3. Program zapošljavanja Karijera +
4. Program zapošljavanja Moj prvi posao
5. Program zapošljavanja „Sport i Kultura
6. Program zapošljavanja Dugoročno nezaposleni;
7. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica;
8. Program zapošljavanja vatrogasaca pripravnika;
9. Program zapošljavanja „Siguran korak“

## B – PROGRAMI SAMOZAPOŠLJAVANJA

1. Program samozapošljavanja „ Od ideje do poduzetnika “

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Služba za zapošljavanje u iznosu od 14.380.672,00 KM i ista se raspoređuju na pojedinačne podsticajne mjere, kako slijedi:

### A – PROGRAMI ZAPOŠLJAVANJA – 12.600.672,00 KM

1. Program zapošljavanja u komunalnoj privredi, socijalnoj zaštiti, kulturi i sajamskim manifestacijama – 1.089.000,00 KM za 121 nezaposlenu osobu iz ciljne kategorije;
2. Program zapošljavanja Prilika + – 3.780.000,00 KM za 200 nezaposlenih osoba iz ciljne kategorije;
3. Program zapošljavanja Karijera + – 2.400.000,00 KM za 100 nezaposlenih osoba iz ciljne kategorije;
4. Program zapošljavanja Moj prvi posao – 2.160.000,00 KM za 90 nezaposlenih osoba iz ciljne kategorije;
5. Program zapošljavanja „Sport i Kultura“ – 720.000,00 KM za 30 nezaposlenih osoba iz ciljne kategorije;
6. Program zapošljavanja Dugoročno nezaposleni – 1.200.000,00 KM za 50 nezaposlenih osoba iz ciljne kategorije;
7. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica – 480.000,00 KM za 20 nezaposlenih osoba iz ciljne kategorije;
8. Program zapošljavanja vatrogasaca pripravnika – 408.000,00 KM za 40 nezaposlenih osoba iz ciljne kategorije;
9. Program zapošljavanja „Siguran korak“ – 360.000,00 KM za 20 nezaposlenih osoba iz ciljne kategorije.

### B – PROGRAMI SAMOZAPOŠLJAVANJA – 1.780.000,00 KM

1. Program samozapošljavanja „ Od ideje do poduzetnika “ – za 100 nezaposlenih osoba;

Analizom planiranih finansijskih sredstava vidljivo je da su za Programne zapošljavanja planirana finansijska sredstva u iznosu od 12.600.672,00 KM, dok je ukupan iznos planiranih finansijskih sredstava za svaku od pojedinačnih podsticajnih mjera 12.597,00 KM. Na navedenu razliku ukazao je i član Radne grupe za izradu Programa mjera za podsticaj zapošljavanja i održavanja više stope zaposlenosti u Kantonu Sarajevo u 2025. godini, imenovan ispred Ministarstva.

Također, Upravni odbor Službe za zapošljavanje donio je Zaključak broj: 09/1-0228-U/O/25 od 21.02.2025. godine kojim se prihvata Prijedlog Programa mjera za podsticaj zapošljavanja i



održavanja više stope zaposlenosti i poboljšanje strukture zaposlenih u Kantonu Sarajevo u 2025. godini, uz primjedbu:

- U članu 3. dodaje se tačka A.1. i glasi:

"Iznos od 3.672 KM koji nije raspoređen na pojedinačne Programe zapošljavanja od tačke a) do tačke i) bit će uključen u finansijska sredstva za realizaciju pojedinačnih podsticajnih mjera prilikom izrade Programa o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2025. godini."

Obzirom na navedeno, Ministarstvo je mišljenja da, je Radna grupa za izradu Programa mjera za podsticaj zapošljavanja i održavanja više stope zaposlenosti u Kantonu Sarajevo u 2025. godini sačinila Prijedlog Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini u skladu sa odredbama Zakona o posredovanju u zapošljavanju, a u cilju podsticanja zapošljavanja, unapređenja tržišta rada, smanjenja nezaposlenosti, te obezbjeđenja potrebnih kadrova u skladu sa zahtjevima poslodavaca ili planovima razvoja privrede u Kantonu Sarajevo.

Također, potrebno je da se iznos od 3.672,00 KM koji nije raspoređen na pojedinačne Programe zapošljavanja od tačke a) do tačke i) uključi u finansijska sredstva za realizaciju pojedinačnih podsticajnih mjera prilikom izrade Programa o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2025. godini.

S poštovanjem,

Pripremila: Aldina Šantić Zeba, stručni savjetnik

Kontrolisao: Nedžad Meheljić, pomoćnik ministrice

MINISTRICA

Enda Pavić Pečenković

Dostaviti:

1. Naslovu
2. a/a

